

金

石

萃

編

金園口意方平口口口口零陵泉石三湘最莫踏口口口

口口

康老元年子秋九日開山住持沙門

小師知選 口口口德 忍守 口口口記

又橫廣二尺三寸五分高一尺四寸八分行五字行書

口族僧房路屈盤不踰城郭到林巒何人爲假丹青手

寫入輕綃掛壁看

元祐八年邢起和妹

又橫廣二尺四寸高二尺十三行行十六七八字不等行書

先君滄江守三池丁祭齋口口賦

深酒□□日夜行天高地下昨猶今□□□六經意
議得皇皇萬古心宗□百官誰不見□□□□知音
同人得似三池盛屬日冠□□若林

至假守二水秋丁釋奠宿齋靖惟湖□□學自周
元公倡之五峯南軒繼之遠有端緒因記先君櫛
賦和韻述懷錄呈別駕并東僚友寶祐元年秋八月
丁未會稽虞 至

正學昭昭貴力行湖湘一派到于今好翻愚島詞鋒手
密察濂溪理窟心二水秋清嚴奠禮九經□□□音
詠歸也覺西風□□□□□□林

又高一尺八寸廣一尺三寸五分五行行七字行書

人如泡影隨時滅口口華嚴振古存今世摩訶前世刻
晚鐘山寺口黃昏

景定癸亥中

按零陵縣屬湖南永州府華嚴巖在縣南方輿勝
覽唐時爲石門精舍據法華寺南隅崖下此所揭
詩皆磨崖一爲丁謂與正師上人詩題曰癸酉仲
夏是歲爲明道二年時謂自崖州貶所徙雷州又
徙道州授祕書監致仕故又題麟臺致政也次爲
刑恕元祐八年所題時恕方責監永州酒攷唐溪

集有恕遊浯溪一絕其韻題華嚴當卽同此遊也

次爲虞廷

卽展字

無攷末一詩不著姓名癸亥爲景

定四年

重修昇仙太子大殿記

碑高八尺廣三尺八寸十六行行四十七字正書篆額在偃師縣維山仙君廟

聖宋西京永安縣維山通天觀重修昇仙太子大殿記

朝奉郎尚書度支員外郎直集賢院同判河南府經

車都尉謝絳撰

將仕郎守河南府右軍巡判官王顧篆額

豫章僧智成書

夫大道希微而不可詰者尸萬化之育而歸於自然
上帝杳冥而所以尊者宅太虛之奧而蘊於無迹有生
御辯裁如委蛻列真炳靈欸若脫屣是皆籍在仙品格
于殊鄉茫乎邈焉未易究極者矣 昇仙太子叅華

帝胄遺榮少海注瑟對與臣之間挹袂接浮丘之游去
龍樓於震宮作鳳吹於洛曲三年上賓於帝所七日舉
手於雲阿陞右弼於玉晨職金庭於桐栢丹符素券親
受紫陽空洞靈音迭歌句曲遺俗疑慕逝聞吸日之諸
故山橫絕綽有順風之拜因是標槩作爲叢祠光塵藹
如區處增勝唐天后聖觀中親製紀勒設置守衛厥後

靡易基兆再新觀宇年筭遠壞梁不支殿屋之餘鞠
爲宿莽初天聖四年今西都分憲趙公以祠部郎

中治園邑也會出境上卽款廟延念高構之衰乘

民政之隙謀作大壯以舍真像公首捐費用及率

額里人呂仲簡等相與仗助率來營之粵自侔圖迄于

役罷日力勿亟夫家不勞地爽且靈蔚爲福庭重陞叢

楹茲焉落成山月林風徘徊有待雲瓊玉簫肝蟹如接

眸容淵穆而再儼覘仗琴麗而肅設控衆真之妙境冥

景室之神陔音微未泯軒臺西向而可畏岸谷相變靈

光歸然而獨存可與夫姑射仙山人能飲露建安舊壤

洲名陸馬者比焉以余稔聞輿梓懼逸歲月見啓謨述
不獲讓云時明道二年六月一日記

中奉大夫太常少卿權西京留司御史臺上柱國天
水縣開國男食邑三百戶賜紫金魚袋趙世長建
孫將仕郎守河南府永安縣尉垂祐同立

太原口思道刊字

助緣人進士口拱 學究趙靜 董正 馬驥

教練使呂若冲 姪仲宣 勾當人 馮遂

碑文工整字亦端秀有唐虞禘風格縝流辨此當有

書名而不聞其人或有捉刀者與

中州金石記

億按碑記西京留司御史臺趙世長首捐費用重營
殿宇也首列朝奉郎尙書度支員外郎直集賢院同
判河南府輕車都尉謝絳譔絳見宋史傳云會修國
史以絳爲編修官史成遷祠部員外郎直集賢院又
云因請便養通判河南府案碑所謂同判河南府是
其時也但碑以尙書度支而史作祠部宜以碑爲正
至篆額爲王願願於史無傳今可見者將仕郎守河
南府右軍巡判官職官志軍巡判官無左右之文錄
此以補史所未備歐陽集有河南府司錄張君墓表
云得金谷古塼命太原王願以丹爲隸書今篆額者

亦卽其人則篆隸顧益兼之矣古人材而且藝益足寶也表言張君卒在明道二年八月王顧旣爲之書塼納壙而篆額亦以是年六月必與希深同居幕府也希深以文學知名余觀碑所記襍於神仙方士家言蓋不稱其體製余故不具論碑陰宣和己亥題名一右側元符庚辰題名一紹聖元年題名一左側元祐庚午題名一

偃師金石錄

按昇仙太子殿興建原委已詳六十三卷中茲不複述此碑撰者謝絳篆者王顧絳平時與歐公交善絳父太子賓客濤卒歐公嘗爲銘其德及絳卒

歐公復爲誌其墓文見文忠公集中稱絳以文知名至於爲政無所不達其歷官政績大致與宋史本傳相同至云天聖中與修真宗國史遷祠部員外郎直集賢院通判河南府歲滿權開封府判官再遷兵部員外爲三司度支判官亦與史同以臆揣之當由絳兩官度支判河南時爲員外郎遷兵部時爲判官歐公於判河南脫略其度支修宋史者本此爲傳亦因之失書耳又歐公撰河南府司錄張君墓表在嘉祐二年其張君墓誌銘亦歐公撰王頤以隸書金谷古塼納壙中在明道二年自

明道二年至嘉祐二年相距二十五年而歐公但云王顧之死已六七年矣不詳王顧事實亦不言其官位賴此碑知明道二年官守河南府右軍巡判官也檢書譜亦但引歐公張君墓表數語爲王顧立傳不及他書蓋王顧失傳久矣

玉兔淨居詩

石高一尺四寸四分廣三尺四寸四分十六行行十七十八字不等行書

朝請郎守尙書度支員外郎充集賢校理知解州軍州兼管內勸農提點兩池事輕車都尉賜緋魚袋借紫張仲尹

晉右軍將軍王羲之書 慈雲寺沙門靜萬集

晉之神山縣有淨居曰玉兔建樹之本記悉備之天聖
八年秋寺僧應公袖墨本事跡訪余爲詩因覽源流實
曰勝槩感激勤至何以固辭乃成一章章二十句雖文
涉陳淺事無新異與今作者藻思弗侔蓋所以塞其來
意用旌好事云耳

何事回真館標名作淨坊金園存廢址玉兔効殊祥躍
漢勞且網環山坐雪霜來疑崑岫出去訝月輪藏隱顯
經千載薰修蔭一方寶壇墜道祖華榜耀空王奧域居
全晉巖祠接慶唐煙霞生四面樓殿赴中央暎日杉陰

台翹空磬韻長伊余聞勝槩寧惜奇篇章

明道二年中秋日講經論修造主僧志應立石

當郡栗文德刻

此晉之玉兔寺志應請之張仲尹詩之靜萬集右軍
書之集書起自文皇聖教后之興者茂以加矣此書
尙不及絳州碑僅存形似耳詩則余不敢知也

石華

按宋之晉州神山縣今爲浮山縣屬平陽府山西
通志玉兔寺在浮山縣西南十里故神山縣廢城
也唐武德二年平陽西北今汾西地有玉兔見遣
使祭之勅建玉兔觀麟德初兔復見勅增修萬歲

通天二年鬼又見履空而行遣中使王文恭求獲
玉兔偕平陽守杜承衍躬往兔出徐步趨之經數
日兔至平陽東神山縣西南隅而隱隱處穿地丈
餘獲玉石兔上貢命建玉兔觀于其地長安二年
河東路巡按使刑部尙書李景副使王永署平陽
守錢光演同遊觀中于風穴山脚下見一僧引十
餘巨虎頂放白光言此地有虎患吾伏之告以姓
氏言訖而化因奏改觀爲寺此玉兔淨居之始末
也通志又云寺有朱明道二年僧靜菴集王右軍
書賈昌朝王隨詩今碑是張仲尹詩與通志不合

詩言寶壇墜道祖華榜耀空王卽指改觀爲寺之事云震祠接慶唐者開元十四年建慶唐觀天聖五年改爲天聖宮詩特循舊稱爲慶唐在縣南三十五里羊角山麓

會聖宮碑

碑高一丈八尺七寸廣八尺三寸三十一六行行八十四字止書篆額在側歸縣

大宋新修西京永安縣會聖宮碑銘 并序

翰林學士金紫光祿大夫行給事中知制誥判集賢院勾當三班院上柱國樂陵郡開國侯食邑一千二百戶食實封壹伯戶臣石中立奉勅撰

翰林待 詔御書院祇候臣李孝章奉 勅書并

箋額

臣聞宅萬邦而垂統者

帝王之不業也故

奉

先之道

崇其孝而爲大亘百世而流

光者

祖宗之懿德也故

錫美之口

口其耀而弥顯成周之卜惟洛食驗風雨於神樞炎劉
之作我上京游衣冠於高寢蓋以欽其世烈莫厭靈居
履霜露以霑裳聿彙 宸威列扮愉而建社爰

國章非夫

烏弈垂休無以護

幾

幾之盛

吉獨致饗無以口

烝烝之口

寶系有開

皇眷攸屬

我國家應

五運之會接

三神之敷

炎上騰精赫

淳耀而斯渥

靈長啓祚濇

洪源而

其紀

太祖誕受

休命恭膺

正統下民欣戴治謳歌而有歸協氣橫流偉符瑞之交

薦

振一戎而大定

總萬廷而克昌

化建清平

□□□衍

太宗挺

惟睿之德恢

至治之具

聲明燦燿

紀律昭宣

嘉靖度邦以攬乎權綱之要

欽承

大卞以建乎中和之極輝階舞羽□□□來格養□□

□□□□□□□□□□業事兼太口

真宗

紹復

丕基惠章憲古

重華愷

帝天啓於

神漢

濟哲惟商日躋於

聖政宅禱萌於醴粹納百揆於雍和展采介丘

□□

□□之貺

鳴鑾景毫以揚希闕之

備徵胡頊而□頤

□有容而必照卓越之

度不可稱已

皇上財成

景化祗通

先猷蓋

清□而在躬守

慈□以爲寶

御

六口之辨

□和於天人

躬于

畝之耕

憂勤於稼穡

嚮明成南面之口

□□如流水之源

欽恤度刑以徹乎脂綱

之密

詢求多士以來乎骨髓之□貴金玉以垂

度一文祚以教風

德洞淪其

信周翔泳

與廉舉孝所以灼于邦光□□□民所以厚于時□

□□□栝至道也

陛下能行之

虔整勞謙聖則也

陛下能守之滋液之体披圖

而可見幅員之廣

闢續以惟明

其居也

靜而淵

其動也博而利俗躋壽而胥悅家懷讓□

□□

順考□道

欽奉天經

睿

三川之舊都乃

列聖之攸宅土圭執景契陰陽

之和文龜負圖開神明之奧水繹繹以疑耀氣葱葱而
發祥 兆域有嚴 封樹相望 三后在天

□□□護□以儲□陟配于京既崇於歸格

因山爲體自成於宏敞分繚垣而屹立植雙表以齊平
折衷其宜高視前世以謂 墳衛之禁素舉於葵章

蕪蕪之奠未廣於寅奉謹按地志營王山者冠於諸阜
僉□□□協太史之明□錫鳳臺之紀號前瞻少室偉
靈異之所躋却負太行邈 穹昊之設險控川陸之

兼會介周鄭之通衢嵩顛豁以中間溪聲浩其雙接自
天聖八年孟春之初□議胥□□ 壽原之爽增擬

闕宮之觀深揆緯裁基以程乎豐約審曲面勢以
板乎經營人以悅來匠以心競林衡腐木文榷綺栢之
質山積而登用大壯取象上棟下宇之飾翬飛而增麗
粲餘霞於鏤案歷倒影於□□ 殊庭砥平界道繩

直礮他山之石□□於交楹節睢陽之杵以峻於頽樹
據寶勢之凌藐迤 初陵之岑寂圓淵綺煥翔騰

仰而弗逮重椽楹比尺蠖動而成響翼長廊之四注旅
萬盤而有閑輪焉奐焉稽百□之詠去秦去甚振三代
之規章程明密而神逸其方登降照爛而日眩其際不
意于素罔或告勞越明年閏十月十有五日宮成隱若

中天宛如化出乃降

溫詔命曰

會聖揭諸

銀榜煥在琬題保

天祚於寢昌旌

神功於不

朽於是宏開

秘殿儼設

辟容珠幄煥黃藻

旋瞻萬鼎峙而分

聖位玉溫而聳

天輝

想

疊疊穆穆之風

尊嚴可象仰

嚳嚳叩叩之德表

則斯存率拱侍於黜臣灼口

儀於近列其中則朱堂天遠瓊壁環周絢妙繪以交施

象

內朝之有肅銀璫左貂給事殿省之列旅陳

于外壁口金屋充選掖庭之綴序分平內銜組樹羽激

越鈞天之奏鱗差於後百司具備五采咸彰正爵辨儀

趨翔而中節隨形象口炳煥以揚輝落成之日特遣使
以奉安之昭殊禮也復陳 法薰旋啓 清

場延

駕欵之高真集屏塵之上士

金仙羽翮凌汗漫以交舒

紫極靈章叩青

冥而上達仍開宮五日許士庶朝謁衣纓雜襲綺組瑣
紛拏裳連襪以並趨蹈德詠仁而胥樂表襄悅穆室家
相慶口口口典煥乎惟新每星駟展幹天畿促駕或銜

如絲之旨或被追鋒之召旃悠悠而照野人懂

憶而假途咸造于庭以申虔奉跪滄溟雪以滌於塵口
口臨函笈以遵於臣禮著在甲令垂為景範揚世廟之

威□□

朝家之軌範受命中使總莅其官闕

有程督察無曠仍卽其東南之地特崇其像設之居寶
色煥乎焜煌禪林美乎繁□霓軒雲閣隆九仞於鹿□
□梵晨鐘交二音於鸞嶺曲池涵功德□□衆果散清
涼□□□□狎藥法筵大啓廣宣

妙諦以扇一

極之風格奉

真游以濟三乘之轍四事之資給

豐矣百福之莊嚴備矣若乃寒暑易候寅昏警時陳□
□之□儀展祈禱之精意仙唄交發將□□以共清粲
香馥芬與煙雲而競合等海衆之無量期道濟於不窮

神其格思

化感無外此乃

陛下聿追來孝翁受敷施滄發

睿心于以加於

百姓夤威

景命于以奉於十倫宜乎

純

嘏來同

丕應紹至需

殊休之汪濊洽

靈寔之鴻平丹羽巢阿紛綸而表慶仙衣拂石延
楸以齊榮永底蒸口之生茂揚 盛德之事者矣臣

職墜扇禁學昧縑細踟躕

丹帷曷承荅於

清問褒功樂石莫遽發於英辭仰被

俞音內

增惕厲敢揚

懿範庶示方來銘曰

炎靈啓運

赤伏呈祥

造我區夏

揚其烈光

真

系有屬

口徽聿昌

緹油茵藹

瓜瓞綿長

於鑠

三后 繼天作聖 口冒生民 紹開明

命 則堯爲大 與黃比盛 九服咸歸 萬景攸正

我皇嗣統 化格深淳 昭章雲漢 獨運陶鈞

禹不自假 湯惟又新 漏口既溼 弛咎推仁 奉

若 先猷 崇茲孝志 在祀彌恤 因心

罔匱 對越 清廟 備成福事 孺慕典

懷 時思展義 乃眷溫洛 實惟帝都 壽陵高敞

拱木紛敷 風樹不止 春露既濡 口崇胥宇

永奠靈區 爰建 清宮 俯臨劇縣 率

見昭考 以時致薦 列堵若星 揮斤軼電 凹凸

疑采 丹青點綉 雲屋天構 陽榮霧披 以安

靈展 以奉 仙祺 垂旒寫照

澤玉含姿 克日厥後 永言 孝思

傍啓 梵寔 廣營 佛翼 禪

慧攸集 土木兼造 珠幡映日 金繩界道 讚頌

口口 薰修致禱 惟 祖德兮貽謀 惟 帝心兮

荷休 誠優肅之所感 期戩穀以來求 經始勿亟

方卜茲寶勢 告厥成功兮靡逾間歲 壯崇址兮控

三川 佑丕圖兮垂億口

景祐元年歲次甲戌九月丁亥朔十三日己亥建

中書省玉冊官 御書院祇候臣□□□

入內內侍省內侍高班勾當 會聖宮同監修碑樓

臣楊承政

入內內侍省內西頭供奉官監修碑樓權勾當 會

聖宮臣蕭繼元

禮賓副使勾當 御藥院提點管勾 會聖宮臣任

承亮

宮在北邙山鳳臺山上爲宋時祭陵飲福之所宋史

云天聖八年春正月作會聖宮于西京永安縣以奉

三聖御容歐陽修亦有會聖宮頌云國家采漢書原

廟之制作官于永安以備國寢碑立于景祐蓋天聖
年作官至是始成也宋時永安金改芝田縣今爲偃
師芝田鄉碑云按地誌管王山者冠於諸阜食曰隄
區考水經注洛水又北逕偃師城東東北歷鄉中逕
管城西司馬彪所謂管聚也管王山當以管聚得名

矣

中州金石記

金石攷景祐元年呂仲元撰志載元祐九年建宋臣
石中立撰文或係重修爲文以記童鈺按歐陽公有
會聖公顏未見石刻現有會聖宮碑乃景祐元年石
中立撰李孝章書金石考以爲呂仲元撰不知何據

縣志亦爲元祐九年亦誤竊案玉海天聖八年正月

辛巳詔內臣張懷恩於永安縣皆王山上建三聖宮

漢獻廟九年二月宮成甲辰以爲會聖宮三月甲寅

奉安三聖御容改皆王山爲鳳臺山今碑所謂皆王

山首冠請阜僉曰隄區協太史之明占錫鳳臺而紀

號卽此事也史文于改山名畧而不書至碑云自天聖八年孟春

之初首議胥宇下云越明年閏十月十有五日宮成

宋史仁宗本紀八年春正月辛巳作會聖宮於西京

永安縣與玉海同至云三月甲寅奉安太祖太宗真

宗御容于會聖宮則脫書九年矣今碑文所載越明

年閏十月十有五日宮成下云宏開秘殿備設辟容
則在九年十月與玉海記九年三月者月則迥殊而
言八年三月奉安御容者又差隔一年則更誤也會
要云閏十一月十五日宮成遣三司使吳殊迎三聖
畫像奉安攷是年十一月不置閏會要當於十字衍
一字其餘皆同此碑碑當時所書必非舛誤宜依碑

爲正

僊師全
石錄

水興軍碑

碑高一丈一寸廣四尺七寸作兩龕書上十六行下
十四行字篆二丁六至八十三不等正書篆額在西
安府

學子

中書門下 榮永興軍

四蜀眉陽僧惟悟書

宣德郎試秘書省校書郎權節度掌書記管句府學
陳諭築額

戶部侍郎知永興軍范雍奏

國家剽甲教儒宅中開緒繼人文而布度建皇極以凝
猷三公論道於巖廊九牧僉功於方岳內則啓集仙之
署招額口鼻外則崇太學之官典教胄子臣伏見本府
城中見有係官隙地欲立學舍五十間乞於園子監請
經典史籍一監仍撥係官莊田一十頃以供其費訪經

明行修者爲之師範召篤學不倦者補以諸生候

勅旨

原奉

勅依奏許建立府學仍勅會於保官荒閑地土內量撥
伍頃充府學支用及令國子監賜與九經書籍不得假
借出外及有損污散失仍令本軍常切選差官一員管
句候得替批上書子遞相交割候至准

勅故牒

景祐元年正月五日

刑部侍郎叅知政事宋

戶部侍郎兼知政事王

工部尚書平章事李

門下侍郎兼吏部尚書平章事呂

時

大宋景祐二年歲次乙亥二月八日立石

應高蹈丘園科府學講授高口

節度推官宣德郎試大理評事趙惟清

朝奉郎試大理司直兼監察御史權觀察判官周宗

範

節度判官朝請大夫試大理司直兼殿中侍御史何

禮賓副使兵馬都監在城巡檢兼管勾駐泊軍馬公
事蔚信

禮賓副使駐泊兵馬都監兼管就根本城軍馬公事
賈璘

朝奉郎尚書比部員外郎通判永興軍府兼管內勸
農事上輕車都尉賜緋魚袋梁吉甫

六宅使昌州刺史駐泊兵馬鈐轄兼管勾七駐本城
就糧兵馬公事盧守憲

邠州觀察使駐泊馬步軍副都統署兼管勾七駐本

城就糧兵馬公事張遵

金紫光祿大夫行尚書戶部侍郎知永興軍府兼管
內勸農使管句駐泊軍馬提點軋耀商華坊丹同等
州巡檢兵甲公事上柱國高平郡開國公食邑三千
八百戶食實封一千二百戶范雍

皇叔推誠保順同德協恭贊治崇仁亮節守正佐運
翊戴功臣永興鳳翔等軍節度管內觀察處置等使
守太師尚書令兼中書令行雍州牧鳳翔牧荆王賜
劔履上殿詔書不名食邑二万二千三百戶食實封
壹萬戶□□

專知官滑仁口

按此碑乃景祐元年范雍知永興軍奏請立學舍
頒經史撥莊田朝廷依奏而給此牒也立學大事
宋史及東都事畧俱不書選舉志於仁宗卽位但
載賜兗州學田及命藩輔皆得立學而不及永興
立學賜田之制文獻通考學校門不詳范雍之奏
隆平集學舍一條祇紀書院之制而郡縣學畧焉
陝西通志西安府學宋以前全不載是以無從與
碑參攷也臚載令國子監賜九經書籍不得假借
出外損污散失令本軍選官一員管勾替相交割

朝廷慎重經籍之道詳審精密於此可見年月後
列銜四人有姓無名以宰輔表攷之刑部侍郎參
知政事者宋綬也戶部侍郎參知政事者王隨也
工部尚書平章事者李迪也門下侍郎兼吏部尚
書平章事者呂夷簡也後列銜名十一人內三人
泐其名餘八人中惟梁吉甫史附梁鼎傳鼎子華
陽人而不詳事蹟盧守懃見宦者傳字君錫開封
祥符人累官昌州刺史明道中罷爲永興軍兵馬
鈐轄徙鄜延路再遷六宅使范雍本傳累官尚書
禮部侍郎太后崩罷爲戶部侍郎知陝州改永興

軍正與碑給牒之年合餘人無攷蔚信之姓蔚似
卽尉字想宋時加艸作蔚然史書所載尉姓至北
齊而止隋唐以下不但無蔚且無尉矣末列皇叔
勃其名宗室傳太宗第八子元儼仁宗卽位封定
王拜太尉尙書令兼中書令賜詔書不名天聖七
年封鎮王又賜劔履上殿明道初拜太師換河陽
三城武成節度封孟王改永興鳳翔京兆尹封荆
王遷雍州鳳翔牧悉與碑合則碑所勃者乃元儼
也功臣之號宋史職官志及文獻通考賜皇子皇
親文武臣僚外臣共有三十八字注云初加四字

次加兩字此碑所載功臣號共二十字大抵初加四字餘十六字則八次遞加也又史志載賜中書樞密臣僚者有推忠二字賜皇子皇親者亦有推忠二字此碑推誠二字史志所無餘十八字俱與史合且泛觀他碑之賜臣僚者亦有推誠二字則推誠非碑誤而史志作推忠者誤也

文獻通考同此誤

永興軍中書劄子

碑高六尺二寸三分廣三尺五分十一行行二十八字正書在西安府學

戶部侍郎知河陽軍范雍奏臣昨知永興軍體量得前資寄住官員頗多子弟輩不務肯構唯恣嘲詆輕薄國

誅詞訟自來累有條約與諸處不同有過犯情理重者
並奏聽

勅裁然終難峻草蓋由別無學校勵業之
所是致輕悍成風臣到任後奏乞建置府學兼賜得九
經書差官主掌每日講授據本府分析卽今見有本府
及諸州修業進士一百二十七人在學關中風俗稍變
頗益文理見是權節度掌書記陳諭管勾欲乞特降
勅命指揮下本府管勾官良令常切遵守所立規繩不
得隳廢候

勅旨右奉

聖旨依奏劄付永興軍准此者

景祐二年十一月一日宣德郎試秘書省校書郎節
度掌書記管勾府學陳諭立

安亮刻

按碑載景祐二年范雍知永興軍以寄住官員子弟不務肯構恣行過犯因請建置府學賜九經書每日講授見有修業進士一百三十七人在學關中風俗稍變乞勅命指揮令常遵守規繩不得隳廢奉聖旨依云云宋史傳雍字伯純河南人仁宗朝累遷尙書禮部侍郎章獻太后崩罷爲戶部侍郎知陝州改永興軍傳但載其關中饑疫雍爲賑恤而不載建學教士之事夫寄住官員子弟不守

家風務爲嘲諷鬪訟雍設學教之使不致比匪蕩
檢則縉紳之家蒙其益者多矣此誠爲治之大不
可畧也因表而出之

文宣王廟講學堂記

碑連額高九尺六分廣二尺六寸三分十九行行五
十四字正書篆額題講學堂記四字在曲阜孔廟

兗州仙源縣至聖文宣王廟新建講學堂記

泰寧軍節度行軍司馬朝散大夫檢校左散騎常侍
騎都尉賜紫金魚袋成昂撰

承奉郎守將作監主簿孔彥輔篆額

知景靈宮事宗一大師賜紫孫正己書

昂志從師學觀

夫子道庶幾識其門因事

贊言當會歸焉是生足矣假天與幸於百歲固心无
吝於一日也戊戌秋迺

帝恩允臺中郎就

戎典午卜老東蒙庚子春預從

御禮備貢

亞獻陪祭于

廟屬中有工度堂構始思賁

新成俟酬宿願初匠事云畢幾造至極比求乎一意何
擁畜間年而趣無所得豈聖道藏密不可見乎將大權
反合難爲狀也幸覽韓公愈處州碑曰天下通祀惟社
稷與孔子焉然以社稷壇而不屋取異代佐享豈如孔
子巍然當座用王者禮以門人爲配自

天

子已下北面拜跪薦祭誠敬禮如親弟子者又以自古多有以功德得位而不得常祀不得位而得常祀者其祀事皆不如孔子之盛所爲有生人已來未有如夫子者其賢過於堯舜遠者韓以孟子言其効歟昂適不得已但廣明孟意覲實賢過之言耳夫道以無用妙以神名德涉有動率以形累聖人有以見其本知其末以無不可以無顯必用有明以有不自於有生必待无造然有以形爲局有極无以神用遠无窮蓋神者無不應者也應設至微不可以有極測有者有所係者也係設至夫不得與无窮稱若乃无有混融短長相取處无窮以

觀有極者窮窮則理應生變變則易故爲新神行而理
通雖復堯舜之應靈有期文武之卜世有數利无窮也
居有極以計无窮无窮者通通則物或有矜矜則轉得
爲失形滯而物窮雖復天地以覆載能常日月以運行
能久恐有極也大哉

我夫子貫本末以研

幾持中正而應動恍惚萬變優游一致物當崩壞我得
經緯於後先理在會通我得彌綸於終始斷御群有用
出至無豈固時來以必位叙而後伸其道也夫故以言
乎見者莫窺以言乎作者莫觀爭者見之不得奪讓者
見之不得與高之者不知其然抑下之者不知其以舉

過不及者進退賢不肖者跛俯仰歟知後之世侯一方
子百里者可祭而不可瀆刑四海化地民者可則而不
可侮爲師之善盡垂百王主善之慶永貽萬古老氏所
云善建者不扶善抱者不脫子孫祭祀不輟斯言至矣
斯言至矣杜牧亦嘗有言自古稱夫子之德莫如孟子
稱天子之尊莫如韓吏部昂也愚敢體神而明之稱

夫子道乘變而文之爲講學堂記當耶富耶壯哉
斯堂也棟宇崇崇戶牖空空師席斯正學人斯同淵乎
元旨炎乎素風云誰有極極我无窮

皇宋景祐四年七月八日重立

吳興沈陞刻字

按曲阜縣志載此碑云額篆甚奇孔彥輔所書也
其文雜用老氏之言無足錄此碑末題景祐四年
重立則當有舊碑不知立於何時額篆全仿鍾鼎
籀文彥輔爲孔子四十五代孫字德甫年十八爲
仙源縣主簿秩滿除將作監主簿後知仙源縣官
至國子監博士據景祐二年孔道輔祖廟祭文後
列將仕郎守將作監主簿彥輔正卽書此額之時
也文爲成昂撰結體艱深將以文其淺陋不獨雜
用老氏之言而已山左金石志謂其文淺陋不足

錄者似未確也書者道士孫正己書譜無其名

零陵縣華嚴題名八段

石橫廣一尺六寸五分高一尺五寸

三分四行每行字數不等正書左行

關一行
勒不辨

國子博士監市丞孫蒼舒

江陵節推知零陵縣王務本 皇宋景祐四年

又橫廣三尺七寸三分高一尺九寸五分十
行每行字數八九十字不等行書左行

聖宋康定二年歲直辛巳中秋前一日知郡中都外郎

盛口仲口口口廣西提憲中都外郎田瑜資忠 提舉

廣鹽田曹外郎張譚巨卿左殿直監兵宋憲公度推官

試校書郎楊構起宗于此既遂命磨崖識其歲月耳

又

橫廣二尺五分高一尺八寸五行行五字正書

洪直景純王之才希聖丘程公遠林喬育卿李忠輔道
舉丙戌十一月七日題

又

高廣均一尺四寸五行行六字正書左行

知永州柳拱辰通判永州尹瞻郴州郴令郭震至和二
季十一月二十日遊此

又

橫廣一尺九寸高一尺八寸七五行行八九字不等正書左行

本州軍事判官吳太元前道州軍事推官鄭口本州錄
事叅軍張仲回本州司法叅軍宋翔東安縣尉范口口

口口負外叅軍嘉祐四年八月 日題

又

此刻在康定二年盛口題
名右側四行正書左行

張發歎咸同遊花嚴元祐三年十月廿七日 關山住

持 正 進士周黃刊

又

高二尺一寸五分廣一尺四
寸九分四行行六字行書

新安曾季明紹聖三年三月初九日來遊男友夬及及

度 侍

又

高四尺三寸廣一
尺五寸七分篆書

鑿之巖品

紹興甲子浮谿翁書

按華嚴巖題名八段一爲景祐四年次爲康定二
年是歲十一月改元慶歷中秋時尚爲康定也次
爲丙戌十一月當是慶歷六年次爲至和二年次
爲嘉祐四年次爲元祐三年次爲紹聖三年次爲
紹興甲子浮谿翁書華嚴巖三大字旁一行八小
字並篆書甲子爲紹興十四年浮谿翁疑是汪藻
所自號其所著詩文名浮谿集也傳載藻紹興八
年上所修日歷升顯謨閣學士知徽州逾年徙宣
州言者論其嘗爲蔡京王黼之客奪職居永州累
赦不宥此所書三字是其時也

全宋文卷一百三十一
三十一
涪溪詩詞刻四段

口元頌二公中興頌碑

石橫廣三尺六寸高一尺八寸四分十
七行行十一字十字九字不等正書

提點口口公事尙書刑部中陳統

進士鄭絃書

中興碑頌口岬嶽正口年來蠶不生湘水無窮流善佩
口山長在聳高名文傳幼婦詞源贈翰口崩雲筆力精
按部嚴舟因訪古拂塵珍賞眼偏明

經涪溪元次山舊隱

次山曾此隱涪溪水清漪廢宅羣山合高名千古垂倚

篔簹森約渚樂石聳豈碑唯有菁林色蒼蒼似昔時

景祐五年十月二十四日

內殿崇班口口祗候同提刑柴貽正同賞

進士周賁刻

讀唐中興頌

石高二尺六寸廣二尺三寸十

一行行十一字或十二字正書

南運判尙書都官外郎口抗

周雅久不復楚駘方獨鳴哇哇弄氣態口我瀟湘清二
公好奇古大節口時口口崖勒唐頌字字瓊口英口雲
借體勢水石生允精悟溪僻口地自爾聞正聲口傳口

金石錄卷一百三十一
五
曰夏孰寔燕然銘絃歌入商魯永與人神聽江流或可
竭此文如日星

熙寧己酉秋七月零陵令權祁陽縣事夏杲上石

寄題中興頌下

石廣四尺三寸五分高三尺
三寸五分十一行行七字正書

鼎沸漢陽塞馬鳴中興宏業幸天成且爲萬世邦家計
寧問他時父子情李郭功名無可憾元頽文字有何評
若能銘刻燕然石方許雄黃此頌聲

紹定癸巳元日郡守中吳術樵書

涪溪留題衆矣其間或美或刺歷數百年未有□□

其口者是是非非迄無定說

郡侯衛公以合鼎之偉器守零陵之偏

口口口口口口口口口口口口語口而口口詞婉而

口口口口口口

林草題滿江紅詞

石高三尺八寸廣二尺五寸五分十
行行十一字至十三字不等行書

十載扁舟幾來往三吾溪上天寶事一回看着一回惆

悵筆畫模糊稍雅健文章褒貶添悲壯在教人字字費

沉吟評輕重西北望情無量東南氣真長王想忠臣應

讀 宋中興頌 主聖自然皆樂土時平正好

儲良將笑此身老大尙奔馳知何用

右滿江紅西臯林革淳祐己酉良月庚子自淦入桂
巖舟溪澣有感而作汲度香橋下流泉

按浯溪詩詞四段一爲景祐五年陳統詩二首一
爲熙寧己酉口抗詩一首泐其姓己酉是熙寧二
年一爲紹定癸巳衝樵詩一首并跋癸巳是紹定
六年一爲淳祐己酉良月林革詞一闕己酉是淳
祐九年良月十月也四人史俱無傳林革題後云
自淦入桂巖舟溪澣淦與澣同蓋自江南西路之
贛州赴荆湖南路之桂陽道經浯溪也是時元己

減金稱兵南犯朝廷方以泗州圍解兩淮息兵論
功推賞僥倖偷安故林草詞有西北望情無量東
南氣真長王想忠臣應讀宋中興頌云云蓋深望
湖湘一路之長歌樂土也

衛廷諤墓誌

石橫廣二尺九寸八分高二尺五寸
二十二行行三十一字正書

宋故左千牛衛將軍衛府君墓誌銘

君諱廷諤字德言

下材武爲將

闕錢塘人

下率女趙

氏

闕君

承旨

捕賊功

闕下鈔山稅饒

廣都闕外吏今叅知政事

○公著闕下君以族大自闕下得闕下除左千牛衛將

軍闕下年七十八君闕下餘年所至以廉稱不

○闕下士大夫所闕下盡未嘗問有無闕下

異闕下父以忠孝為闕下稱者闕下在韶

州日闕下民闕下鬼神以脅其眾君捕之闕下上君

○功君謂日闕下而為盜不過取闕下以自利耳

闕下以自為功闕下悉薄其罪不誅故禮賓闕下

○道刑獄見其闕下之人能愛人遠利誠仁人也君始

○王闕下以闕下男五人異游鼎觀賁異用廢今為闕下

○殿闕下鼎未仕而亡闕下觀闕下而文二女

早天諸孫十餘人君臨終闕諸孫曰吾下闕以吾歸錢塘

巽等奉遺命以寶元二年八月十三日闕君下闕銘曰

衛氏闕世以武顯于諸侯闕文闕口闕口闕口闕以口

口闕口闕口闕口闕口闕人闕之闕哉

按此誌磨泐過甚全篇約六百餘字今存者不及
三百字銘詞稱衛氏先世以武顯于諸侯今誌文
叙先世皆不可辨但存錢塘人三字而歷考諸史
衛氏之著籍錢塘者竟無一人衛廷諤既不見於
宋史復不見於浙江通志杭州府志人物傳不能
詳其事蹟今節取誌文之存者云廷諤字德言錢

塘人除左千牛衛將軍年七十八歷官所至以廉稱未嘗問有無在韶州日民有託鬼神以脅其衆君捕之上君之功君謂曰貧民脅而爲盜不過取錢以自利耳不可以自爲功悉薄其罪不誅蓋能愛人遠利誠仁人也男五人巽淑鼎觀資巽用蔭爲某官鼎未仕而亡觀下二女早夭諸孫十餘人君臨終謂諸孫曰以吾歸錢塘巽等奉遺命以寶元二年八月十三日下文之可讀者如此惜其湮沒已久尙賴此誌以傳而誌係近年出土流播未廣因詳錄之以裨武林文獻之徵云

栖霞寺碑

袁本高廣行字
皆不計行書

金陵攝山栖霞寺碑文并銘

陳侍中尙書令宣惠將軍叅掌選事菩薩戒弟子濟
陽江揔持撰

陳翊前會稽王行叅軍京地車甯書

聖宋賜紫沙門懷則重書

賜紫沙門有朋篆額

蓋聞天有神宮地云露府乘欽博記始叙四衛之塔金
羽著經因知千步之寺至如峯形甌嶽岫勢堂密亦烏

足言哉南徐州瑯琊郡江

乘

縣果有攝山者其狀似織

亦名織山尹先生記曰山多草藥可以攝養故以攝爲

名焉南瞻舊落顧梯鎮戍之塢北望荒村扈讎卜筮之

宅此山西南隅有外道館地俄而疾痢磨滅三清遺法

未明五怖之災万善開宗遂變四禪之境倏見齊居士

平

原明僧紹空

解州

深至理高妙道榮軒冕遁跡巖光

宋泰始中嘗遊此山仍有終焉之志村民野老竟來諫

曰山多狼虎毒地所以久絕行踐僧紹曰毒中之毒無

過三毒忠信可蹈水火猛烈亦何能爲乃刊木駕峯雉

草開徑披拂藜梗結構茆茨廿許年不事人世渡河息

累屢復無立 皆曰誠至所感有法度禪師家本黃龍來

遊白社梵行輝苦法性純備與僧紹冥契甚善嘗於山
舍講無量壽經中夜忽見金光照室光中如有臺館形
像豈止一念之間人王照其香蓋八未曾有潤石朗其
夜室居士遂捨本宅欲成此寺卽齊永明七年正月三
日度上人之所構也山情率易野製疎朴崖摺峻絕澗
戶幽深卉木滋榮四時助其彫綺煙霞舒卷五色成其
綦緇居士嘗夢此巖有如來光彩又因閑居依倚日見
昔寶海梵志睡觀花臺智猛比工行逢影窟故知神應
非遠靈相斯在居士有懷創造俄而物故其第二子仲

璋爲臨沂令克荷先業莊嚴龕像首於西峯石壁與度
禪師鑄造無量壽佛坐身三丈一尺五寸通座四丈并
一菩薩倚高三丈三寸若乃圖寫瓌奇刻削宏壯蓮花
臺日石鏡沉暉藕絲繁長雲崖失彩頂日流影東方韜
其大明而月馳光西照匿其成鬼大同二年龕頂放光
以色身相晃若炎山林間樹下艷如火殿禪師自識終
期欣瞻瑞應以建武四年於此寺順窅豈非六和精進
十念允諧向沐寶池方登金地者也齊文惠太子豫章
文獻王竟陵文宣始安王等慧心開發信力明悟各捨
泉貝共成福業宋太宰江夏王靈姬梅閩內德齊雍州

刺史田美方牧貴臣深曉已見妙識來果蓋於此巖阿
廣抽財施琢磨巨石影擬法身梁太尉臨川靖慧王道
契真如心靈覆密見此山製踞踈閑功用稀少以天監
十年八月爰撤帑藏復加塋飾續以丹青鏤之統置五
分照或千輪昏煠排天堂旒玉露分色接岫軒輝翠微
抽影八定之侶步纖草而揚梵三慧之僧挹飛泉而動
色喜圓凝靜豈傲吏之凡遊深谷虛靈非愚公之俗路
是以王公縉紳之輩郎吏胥史之屬步林壑陟阜壤升
精舍拜道場莫不洗滌無明澣濯歸暗非直心之砥路
孰能如斯者乎慧振法師志業該練心力精確度上人

將就遷神深相付囑法師聿修厥緒勸助衆功基業用
彌多所創置先有名德僧朗法師者去鄉遼水問道京
華清規挺出碩學精詣早成般若之性夙植尸羅之本
開方等之指歸震中道之宗致北山之北南山之南不
遊 皇都將涉三紀梁武皇帝能行四等善悟三空以
法師累降敕書確乎不拔天監十一年帝乃遣中寺擇
僧懷柔根寺釋慧令等十僧詣山諮受三論大義賈誼
曰學聖道如日之明孫卿云登高山知天之峻今之採
賢其此之謂南陵蕭跡幽栖抗志獨法絕羣道世茲
山多歷年所曠終邁官葬法師墓側還符旧豫託西門

之家更似梁鴻偶要離之座又按神錄云楚新神在今
臨沂縣齊永明初神詣法度道人受戒自通曰新尙卽
楚大夫之靈也大同元年二月五日神又見形著菩薩
巾披袈裟閑雅甚都來入禪堂請寺衆說法崑嶺之中
百神所在首陽之路八駟並驅未有修淨戒之品詣得
道之僧慙忍辱之衣入安禪之室是知名山大澤靈異
憑依者矣慧布法師秀落煩州早山塵勞律儀明白貞
節峻遠貫綜三乘不自媒銜措模七衆無所詎訶曩日
靜龜鍾巖余便觀止食仁飲德十有餘年頃於攝阜受
持珠或佩服之敬雖敢怠於斯須汲引之勞且曷伸於

報効夫言意難盡
鉛槧易凋固比河山
莫如金石凡諸
徵應并預隨喜
並勒于碑左乃爲頌曰

湯：心火冥、世流論生若寄
喻死如休三明未了十
智難周盡纏癡愛豈離
瘡虎敬仰難足恭聞驚
頭斯風可羨其路何由
我開梵宇面擊臨工我
圖靈跡果植日修兼金
盡繪泐石彫鏤連雲出
沒泄雨沉浮經行松燈
禪坐蕙樓澗風長澗崖
溜懸抽花臺似雪夏室
疑秋夕信宴息勝侶薰
修三乘謂筏六度爲舟
金幢合蓋寶駕驅轉地
底來格天衆追遊五時
無爽七處相伴辭題翠
聖字勒銀鈎賢乎藥餌
遇客宜留

此碑經唐會昌毀廢後已曾重立至今其石所缺文字訛隱前充寺主僧契先自捨囊貲購石依本寫之康定元年口月十七日鑄立本寺維那僧肅澄上座僧智達寺主僧元聶謹記

袁文雅刻字

右重刻栖霞寺碑本江總持文章需書唐會昌中碑毀今所存者宋康定元年沙門懷則重書也按摠持自序稱年二十餘入鍾山就靈曜寺則禪師受菩薩戒暮齒官陳與攝山布上人遊欵深悟苦空更復練戒故題銜有菩薩戒弟子之稱需官翊前曾稽王行參軍世未解翊前爲何語子攷陳書後主之第八子

莊封會稽王禎明二年除翊前將軍揚州刺史則霈
卽莊之屬吏當時皇子封王者必除都督刺史加將
軍號乃得開府置官屬故加翊前於會稽王之上也
梁時置翊左翊右翊前翊後四將軍在第二十班今
人知其名者尠矣

潛研堂金石文跋尾

按此碑勅者祇八字檢攝山志載此文取以校補
又校其不同者俄而瘦痠磨滅志作疫癘水火猛
烈志作猛獸面月馳光志作面目以色身相志作
光色身相八定之侶志作入定名德僧朗法師志
作明德僧早成波若之性志作般若釋慧令等十

僧志作鄉僧慧等十僧蕭耽志作蕭暉余便觀止
志作觀止似皆志有臆改也痾本疾疫字通作瘡
可以不必改瘡也面月對上文頂日若作面目則
誤矣八定之侶對下文三慧之僧檢韻府正引江
總此碑作八定則入定非也名德本高僧之稱南
史何點傳招擣勝侶及名德桑門清言賦詠是不
當作明德也波若亦見南史何求傳隱居波若寺
不必作般若也眇卽眇字之省音彌通作矚亦可
不必改也葢志爲近時人所修或誤釋碑文疑有
錯誤而改之耳書人姓氏潛研堂跋六韋需詳玩

碑文頗似車需据攝山志作李需則大不類矣